



*Le Roy Iofias abhorrant toute idolatrie fait lire deuant son peuple la Loy de Dieu, qu'il commandè d'observer.*

**D**VRANT le regne de Manasses & Amon son fils, la Loy de Dieu fut du tout mise en oubly, & ce iusques au regne de Iofias, qui commença à regner n'ayant que huit ans, & regna trente-vn an en Ierusalem; il fist tout ce qui estoit plaisant deuant le Seigneur. Il enuoya Sapham le Scribe vers Helcias grand Prestre, afin qu'on assemblast l'argent du Temple pour la restauration d'iceluy, lequel Helcias bailla audit Sapham le liure de la Loy, qu'il auoit trouué en la maison du Seigneur, lequel fut leu deuant le Roy, qui de regret rompit son vestement, craignant l'ire de Dieu, pource que ses peres n'auoient point ouy ny obserué les paroles de ce liure. Puis du conseil de la Prophetesse Holdam, il ordonna ce volume de la Loy estre leu au Temple de Ierusalem en presence des Prestres, des Prophetes, & de tout le peuple. Et fut lors fait promesse qu'ils garderoient de tout leur cœur le contenu en iceluy, puis faisant jeter les vaisseaux seruans à Baal & au boccage, abolist toute idolatrie, fist aussi celebrer la Pasque, selon l'ordonnance qui estoit escrite au liure de cette alliance.